



**Broj: 02-05-6304-4/12**  
**Sarajevo, 15.03.2012. godine**

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **60.** sjednici održanoj **15.03.2012.** godine, donijela je sljedeći

## **ZAKLJUČAK**

1. Utvrđuje se Prijedlog zakona o izmjenama i dopunama Zakona o radno-pravnom statusu poslanika u Skupštini Kantona Sarajevo.
2. Predlaže se Skupštini Kantona Sarajevo da pretresa i donese zakon iz tačke 1. ovog Zaključka po skraćenom postupku, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", br: 25/10 - Novi prečišćeni tekst, 14/11 i 19/11).

**P R E M I J E R**

**Fikret Musić**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. **A r h i v a**



web: <http://vlada.ks.gov.ba>  
e-mail: [premijer@ks.gov.ba](mailto:premijer@ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**Bosna i Hercegovine**  
**Federacija Bosne i Hercegovine**  
**KANTON SARAJEVO**  
**VLADA**

**ZAKON**  
**O IZMJENAMA I DOPUNAMA ZAKONA O RADNO-PRAVNOM**  
**STATUSU POSLANIKA U SKUPŠTINI KANTONA SARAJEVO**  
**(PRIJEDLOG)**

Nosilac izrade:  
Ministarstvo pravde i uprave

**Sarajevo, januar 2012.godine**

Na osnovu člana 18.tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04 ) i člana 49. tačka a) Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 33/11 ), Skupština Kantona Sarajevo na \_\_\_\_\_sjednici od \_\_\_\_\_2012. godine, donijela je

(PRIJEDLOG)

## ZAKON O IZMJENAMA I DOPUNAMA ZAKONA O RADNO-PRAVNOM STATUSU POSLANIKA U SKUPŠTINI KANTONA SARAJEVO

### Član 1.

(Dopuna člana 1.stav (2) Zakona)

U Zakonu o radno-pravnom statusu poslanika u Skupštini Kantona Sarajevo ("Službene novine Kantona Sarajevo", broj 14/09) u članu 1. stav (2) iza riječi «Federacija» i zgrade dodaju se riječi :»Kantona Sarajevo, kao i «.

### Član 2.

(Dopuna člana 2.Zakona)

U članu 2. iza riječi «Federaciji» dodaju se riječi :»Kantona Sarajevo, kao i «.

### Član 3.

( Dopune člana 4.Zakona)

(1)U članu 4. naziv člana dopunjuje se riječima : » i naknade».

(2)U stavu (1) na kraju teksta briše se tačka i dodaju riječi: « i naknade, u skladu sa zakonom kojim se regulišu plaće i naknade u organima vlasti Kantona Sarajevo.»

### Član 4.

(Brisanje članova Zakona)

Čl.5, 6, 7, 8, 9, 11, 13, 14, 15, 16, 17, 18, 19, 20. i 21. brišu se.

### Član 5.

(Utvrđivanje prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o radno-pravnom statusu poslanika u Skupštini Kantona Sarajevo.

### Član 6.

(Stupanje na snagu Zakona)

Ovaj zakon stupa na snagu osmog dana od dana objavljivanja u «Službenim novinama Kantona Sarajevo».

Broj: \_\_\_\_\_  
Sarajevo, \_\_\_\_\_

PREDSJEDAVAJUĆA  
SKUPŠTINE KANTONA SARAJEVO

Prof.dr.Mirjana Malić

# O B R A Z L O Ž E N J E

## PRAVNI OSNOV

Pravni osnov za donošenje ovog zakona sadržan je u odredbama člana 18.tačka b) Ustava Kantona Sarajevo , kojim je utvrđena zakonodavna nadležnost Skupštine Kantona Sarajevo, kao i člana 49. tačka a) Zakona o plaćama i naknadama u organima vlasti Kantona Sarajevo, kojim je utvrđeno da danom stupanja na snagu prestaje primjena odredaba Zakona o radno-pravnom statusu poslanika u Skupštini Kantona Sarajevo koje se odnose na plaće, naknade i druga materijalna prava poslanika u Skupštini Kantona i savjetnika predsjedavajućeg Skupštine Kantona.

## RAZLOZI DONOŠENJA

Zakonom o plaćama i naknadama u organima vlasti Kantona Sarajevo regulisane su plaće i naknade poslanika u Skupštini Kantona i savjetnika predsjedavajućeg Skupštine Kantona i utvrđeno da prestaje primjena odredaba Zakona o radno-pravnom statusu poslanika u Skupštini Kantona Sarajevo , koje se odnose na plaće i naknade regulisane ovim zakonom.Zbog toga je potrebno navedene odredbe brisati i iz Zakona o radno-pravnom statusu poslanika u Skupštini Kantona Sarajevo.

## PRAVNA RJEŠENJA

Čl. 1. i 2. -Odredbe člana 1. i 2. se dopunjuju i navođenjem propisa kantona, kojima se također reguliše radno-pravni status poslanika i savjetnika.

Član 3.- Naziv člana 4. i stav (1) dopunjuju se i naknadama koje pripadaju poslanicima i savjetnicima, u skladu sa zakonom kojim se regulišu plaće i naknade u organima vlasti Kantona Sarajevo, radi cjelovitosti teksta Zakona.

Član 4.-Odredbe navedenih članova brišu se jer su koeficijenti za plaće poslanika i savjetnika i način utvrđivanja plaće regulisani Zakonom o plaćama i naknadama u organima vlasti Kantona Sarajevo.

Član 5.-Zbog dopuna i brisanja većeg broja odredaba, predlaže se utvrđivanje prečišćenog teksta Zakona.

Član 6. Propisuje se uobičajeni rok stupanja na snagu Zakona .

## SREDSTVA ZA PROVOĐENJE ZAKONA

Za provođenje ovog zakona nije potrebno obezbjediti sredstva u Budžetu Kantona.

## DONOŠENJE ZAKONA PO SKRAĆENOM POSTUPKU

Kako se ne radi o složenom i obimnom zakonu, predlažemo donošenje ovog zakona po skraćenom postupku, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj 25/10-Novii prečišćeni tekst i br.14/11 i 19/11 ).

## PRILOZI

### USTAV KANTONA SARAJEVO (IZVOD)

#### Član 18.tačka b)

Skupština Kantona:

- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
-

**ZAKON**  
**O PLAĆAMA I NAKNADAMA U ORGANIMA VLASTI KANTONA SARAJEVO**  
**(IZVOD)**  
**Član 49.**

**(Prestanak primjene odredbi drugih zakona)**

**Danom stupanja na snagu ovog zakona prestaje primjena:**

- a) odredaba Zakona o radno-pravnom statusu poslanika u Skupštini Kantona Sarajevo ("Službene novine Kantona Sarajevo", broj 14/09) koje se odnose na plaće, naknade i druga materijalna prava poslanika u Skupštini Kantona i savjetnika predsjedavajućeg Skupštine Kantona;**
- b) odredaba Zakona o radno-pravnom statusu članova Vlade Kantona Sarajevo ("Službene novine Kantona Sarajevo", br. 30/08 i 14/09) koje se odnose na plaće, naknade i druga materijalna prava članova Vlade Kantona i savjetnika članova Vlade Kantona ;**
- c) odredaba Zakona o pravobranilaštvu („Službene novine Kantona Sarajevo“, broj 33/08-Noví prečišćeni tekst), koje se odnose na plaće, naknade i druga materijalna prava pravobranioca i zamjenika pravobranioca Kantona.**



Broj: 08-01-02-1271/12  
Sarajevo, 27. 01. 2012. godine

*Ministarstvo za pravde i uprave  
- Ovdje -*

**PREDMET:** Mišljenje  
Veza – vaš zahtjev za mišljenje broj: 03-02-07-1179/12, od 23.01.2012. godine

Prijedlog Zakona o izmjenama i dopunama Zakona o radno-pravnom statusu poslanika u Skupštini Kantona Sarajevo nije u suprotnosti sa finansijskim propisima.  
Kako za implementaciju ovog Zakona nije potrebno obezbjediti dodatna sredstva u Budžetu Kantona Sarajevo, na navedeni Prijedlog zakona Ministarstvo finansija nema primjedbi.

S poštovanjem,



**MINISTAR**  
Muhamad Kozadra, dipl. ecc.

Pripremila: Elezović Lejla  
Kontrolisala: Herberkić Sabaheta



web: <http://mf.ks.gov.ba>  
e-mail: [min.finansija@ks.gov.ba](mailto:min.finansija@ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62







Broj: 09-02-1266/12  
Sarajevo, 25.01.2012. godine

KANTON SARAJEVO  
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjenama i dopunama Zakona o radno-pravnom statusu poslanika u Skupštini Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Prijedlog Zakona o izmjenama i dopunama Zakona o radno-pravnom statusu poslanika u Skupštini Kantona Sarajevo usklađen je s odredbama ustava i drugim propisima koji su navedeni u obrazloženju prijedloga ovog Zakona.

Predložene izmjene i dopune Zakona o radno-pravnom statusu poslanika u Skupštini Kantona Sarajevo posljedica su usklađivanja ovog Zakona sa odredbama člana 49. tačka a) Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 33/11).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Imred Ljubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1

